



PROJEKAT FINANSIRA EU

Centri civilnih inicijativa (CCI)

Program malih grantova:

Liječenje nezdravog zdravstvenog sistema u BiH

Smjernice za aplikante

Ugovor: 2018/402-871

Krajnji rok za apliciranje: 30/04/2019



PROJEKAT FINANSIRA EU

Cilj ovih smjernica je davanje uputstva svim potencijalnim aplikantima i zainteresovanim subjektima o procesu davanja malih grantova u sklopu projekta "Liječenje nezdravog zdravstvenog sistema u Bosni i Hercegovini" koji finansira Evropska unija.

1. POZADINA

"Liječenje nezdravog zdravstvenog sistema u Bosni i Hercegovini" je projekat implementiran od Transparency international-a BiH (TI BiH) i Centara civilnih inicijativa (CCI) koji finansira Evropska unija.

Projektom je planirano unapređenje pravne regulative i praksi zdravstvenih ustanova u izgradnji sistema prevencije od korupcije, sa fokusom na oblasti javnih nabavki, sukoba interesa, upravljanja ljudskim resursima i finansijskog upravljanja.

Takođe, planirano je razvijanje i uspostavljanje modela transparentne elektronske liste čekanja pacijenata za zdravstvene usluge (ključne operacije i preglede za koje se trenutno najduže čeka).

Posebnim poglavljem Projekta (Poglavlje III) planirano je poboljšanje kompetencija i aktivizma organizacija civilnog društva, uključujući i medije, u borbi protiv korupcije u zdravstvu. Kako bi bile uključene i lokalne organizacije civilnog društva (OCD) i mediji u unapređenje antikorupcijskih mjera u zdravstvenim ustanovama u BiH, planirana je dodjela 5 grantova navedenim organizacijama za javne kampanje i istraživačke priče, prije svega, na lokalnom nivou. Takođe, u planu je jačanje kapaciteta predstavnika OCD-a i uspostavljanje neformalne Koalicije organizacija civilnog društva - Koalicija za monitoring i zagovaranje borbe protiv korupcije (MAACC). Cilj je podsticanje eksternog pritiska od strane civilnog sektora na zdravstvene ustanove (lokalne i regionalne), kao i na donosice odluka da se u nerednom periodu dodatno angažuju na donošenju novih antikorupcionih politika i njihovoj implementaciji.

2. CILJEVI I REZULTATI FINANSIJSKE PODRŠKE

Specifični ciljevi ovog poziva za podnošenje projektnih prijedloga su jačanje zagovaračkih inicijativa za uvođenje i donošenje novih antikoruptivnih politika u javnom zdravstvu i njihove provedbe.

Takođe, kroz male grantove lokalne organizacije civilnog društva će osnažiti svoje kapacitete, dobiti potrebne informacije, te steći praktična iskustva i znanja iz oblasti prevencije i borbe protiv korupcije u



PROJEKAT FINANSIRA EU

zdravstvu. Na taj način će biti omogućeno postojanje organizacija civilnog društva koje djeluju na lokalnom i regionalnom nivou i aktivni su u zagovaranju i monitoringu provođenja antikoruptivnih javnih politika u sektoru zdravstva.

Ključni planirani rezultati su: ojačano učešće lokalnih nevladinih organizacija u zagovaranju antikorupcijskih inicijativa u zdravstvenom sektoru i ojačani njihove kapaciteti za praćenje i zagovaranje efikasnijih antikorupcijskih politika.

3. VRIJEDNOST GRANTOVA

Ukupan iznos sredstava koji je dostupan u okviru ovog poziva iznosi 25.000 eura. CCI namjerava dodijeliti 5 grantova organizacijama civilnog društva iz Bosne i Hercegovine u iznosu do 5.000 eura.

4. USLOVI ZA APLICIRANJE

Na ovaj poziv mogu aplicirati samo domaće bh. nevladine organizacije, udruženja ili fondacije (registrovane u skladu sa važećim zakonima o udruženjima i fondacijama u BiH).

Pojedinci (fizička lica), političke stranke, međunarodne i strane organizacije, vladine institucije i vjerske zajednice nemaju pravo učešća na ovom javnom pozivu.

4.1. TRAJANJE PROJEKATA

Projekti ne smiju trajati duže od 12 mjeseci.

4.2. MJESTO PROVOĐENJA PROJEKATA

Projekat se mora provoditi u Bosni i Hercegovini, a planirano je da aktivnosti budu na lokalnom ili regionalnom nivou.

4.3. AKTIVNOSTI PRIHVATLJIVE ZA FINANSIJSKU PODRŠKU:

Projektni prijedlozi su predviđeni u sljedećim indikativnim oblastima:



PROJEKAT FINANSIRA EU

- Monitoring učinka zdravstvenih ustanova u identifikovanju i suočavanju sa korupcijskim rizicima i praksama,
- Monitoring implementacije ključnih internih akata zdravstvenih ustanova (kao što su budžeti, planovi rada, pravilnici za prevenciju i borbu protiv korupcije, planovi integriteta).
- Inicijative javnog zagovaranja za poboljšanje politika i procedura lokalnih zdravstvenih ustanova,
- Angažovanje predstavnika stručnih udruženja i zainteresovanih građana u rješavanju problema korupcije u lokalnim zdravstvenim ustanovama,
- Izvještavanje o praksama i slučajevima korupcije u zdravstvu

Projektni prijedlozi mogu da uključuju sljedeće aktivnosti:

- Watch dog aktivnosti u oblasti prevencije i sprječavanja korupcije u zdravstvu,
- Javne kampanje za podizanje svijesti građana o značaju borbe protiv korupcije i za podsticanje prijavljivanja slučajeva korupcije u zdravstvu,
- Monitoring načina i kvaliteta pružanja usluga u zdravstvu sa fokusom na praćenje transparentnosti procedura, ostvarivanja integriteta i prevencije od korupcije,
- Procjena podložnosti korupciji u zdravstvu, sa akcentom na različite oblike kršenja principa transparentnost i odgovornosti u radu,
- Provođenje i objava istraživačkih priča na temu korupcije u sektoru zdravstva, istraživanje i publikovanje utvrđenih slučajeva korupcije u zdravstvenim ustanovama.

4.4. NEPRIHVATLJIVE AKTIVNOSTI

Sljedeći troškovi nisu prihvatljivi:

- Dugovi i kamate
- Kupovina zemljišta i zgrada
- Grantovi trećim licima i organizacijama
- Krediti trećim licima

4.5. BROJ APLIKACIJA I GRANTOVA PO JEDNOJ ORGANIZACIJI

Jedna organizacija može aplicirati sa jedni projektom/aplikacijom.



PROJEKAT FINANSIRA EU

5. PROJEKTNNA APLIKACIJA

Aplikacija mora biti podnesena u formi koja se nalazi u prilogu ovih smjernica (Prilog A). Projektni jezik je BHS.

Projektna aplikacija treba da sadrži sve relevantne informacije o Projektu u skladu sa formom i smjernicama.

5.1. GDJE I KAKO POSLATI PROJEKTNNU APLIKACIJU

Projektna aplikacija se šalje elektronskom poštom na e-mail adresu antikorupcijagrantovi@ccibh.org (Predmet: Prijava za male grantove u okviru javnog poziva "Ozdravljenje zdravstvenog sistema u Bosni i Hercegovini).

5.2. ROK ZA PODNOŠENJE APLIKACIJE

Rok za podnošenje aplikacije je 30.04.2019. godine, do 16:00 sati.

Projektna aplikacija podnesena nakon ovog roka neće biti razmatrana.

6. EVALUACIJA I IZBOR APLIKACIJA

Evaluaciju i odabir prijedloga će vršiti Komisija za odabir projekata.

Ako bilo koja od traženih informacija nedostaje ili je netačna, aplikacija može biti odbačena, te se proces evaluacije aplikacije i odabira neće vršiti. Ako evaluacija aplikacije pokaže da predložena akcija ne zadovoljava kriterije (uslove za apliciranje) navedene u odjeljku 4, aplikacija može biti odbačena.

Bodovanje aplikacija će se vršiti u skladu sa ispod definisanim kriterijima. I uspješni i neuspješni aplikanti će biti pismeno obaviješteni o rezultatima evaluacije.

Podnosiocima čije aplikacije budu izabrane će biti ostavljen rok da dostave dodatnu dokumentaciju. Dodatnu dokumentaciju sačinjava Statut organizacije i rješenje o registraciji.



PROJEKAT FINANSIRA EU

U nastavku su predstavljeni kriteriji za vrednovanje projektnih aplikacija, te okvirni rokovi za pojedine faze u procesu .

| KRITERIJI ZA VREDNOVANJE | Maks. broj bodova |
|--|--------------------------|
| Organizacijski kapaciteti | 10 |
| Iskustva aplikanta u upravljanju projektima (projekt menadžmentu) | 10 |
| Metodološki pristup | 60 |
| Nivo razumijevanja i pojašnjenja problema u oblasti borbe protiv korupcije u zdravstvu na čije rješavanje se želi uticati | 20 |
| Opis ciljeva i aktivnosti koje će se poduzeti u cilju unapređenja stanja u oblasti borbe protiv korupcije u zdravstvu, te planiranih rezultata | 40 |
| Organizacijsko iskustvo | 20 |
| Da li je akcioni plan implementacije projekta jasan i izvodljiv? | 10 |
| Održivost rezultata | 10 |
| Da li su očekivani rezultati održivi? | 10 |
| TOTAL | 100 |

| TABELA OKVIRNIH ROKOVA | Okvirni datum |
|--|----------------------|
| Rok za podnošenje aplikacije | 30.04.2019. g. |
| Evaluacija i preliminarni odabir uspješnih aplikacija | 15.06.2019. g. |
| Obavješćavanje aplikanta o rezultatima evaluacije | 22.06.2019. g. |
| Rok za dostavljanje priložne dokumentacije za organizacije čije su aplikacije izabrane | 12.07.2019. g. |
| Potpisivanje ugovora sa organizacijama | 10.08.2019. g. |



PROJEKAT FINANSIRA EU

| | |
|----------------------------------|----------------|
| Početak implementacije projekata | 01.09.2019. g. |
|----------------------------------|----------------|

7. ANEKSI

Aneks A - Aplikaciona forma

Aneks B - Forma budžeta

Aneks C - Forma narativnog izvještaja

Aneks D - Forma finansijskog izvještaja